



**Naalackersuisut attartornermut inatsisissatut siunnersuutissaminni pisortat inissiaatileqatigiiffiisa attartunngortussanut inissiamik neqeroornerminni inissiaq neqeroorutertik ukiut tallimat kingulliit iluanni oqummik ajornartorsiuteqartoq paasineqarsimagaangat nalunaartalernissaannik pisussaaffiliinissaat pillugu Naalackersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Sofie Geisler, Inuit Ataqtigiit)

(Siullermeerneqarnera)

**Attartornermut inatsisissatut siunnersuutissaminni attartortut suliffimmuat atillugu inissaminnik tunineqarnerminni inissiami ukiut tallimat kingulliit iluanni oqummik ajornartorsiuteqartoq paasineqarsimagaangat attartortut inissiamik allamik tunineqarnissaminnik annaasaqaratik naaggaarsinnaalernissaannik Naalackersuisut suliaqarnissaannik peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortaq Sofie Geisler, Inuit Ataqtigiit)

(Siullermeerneqarnera)

Inissiani oqummik ajornartorsiutit annertorjuusut naluneqanngiivippoq. Inuit ilanngui ajornartorsiutip kingunerisaanik assut napparsimalertarput. Ukiorpasuarini pisortat inissiaataani aserfallatsaaliuineq iluarsaassinerillu pingaartinneqarsimanginnerat peqqutingalugu inissiat nungullarsimanerat ussiitsunerallu ajornartorsiutinut arlalinnut nassuiaataapput.

Taamaammatt oqaatigerusuppara inuiaqatigiittut pisortat inissiaataanni aserfallatsaaliuineq iluarsaassinerlu salliutittariaqaraleratsigit. Innuttattami peqqissusaat navianartorsiortipparput. Ilumoorinnaangilluinnarpormi inissiaatigut asuli aserfallatsiinarutsigit.

Siunnersuutit marluk ajornartorsiut allatut sorsunniarpaat. Matumuuna IA-p attartunngortussanut pisortat inissiaataanni imaluunniit suliffimmiik inissamik neqeroorfigitinnermi inissiaq ukiut tallimat kingulliit iluanni oqummik ajornartorsiuteqartoq paasineqarsimagaangat nalunaarfigineqartalernissaannik pisussaaffiliinissaq kissaatigivaat.

Demokraatit siunnersuuti iluarinartoqartippai. Isumaqtigaarput attartunngortussanut nalunaaritiginnittarnissaq pissusissamisoormat. Apererusuppugulli, sooq ukiut tallimaasariaqarnersoq? Matumuuna ilisimasaqarnerusariaqarpugut paasinialugu ukiut qassit kingumut qiviarneq tullunnerussanersoq. Tamatumuuna Sanaartornermut ataatsimiititaliaq kaammattorusuparput tamanna ataatininnerminni misissussagaat.



Taamatut oqaaseqarlunga siunnersuut Sanaartornermut ataatsimiititaliamut sammineqarnissaanut innersuuppara.